

Shash Petapan

Mashinaikan nishk kaishtatet - tshishe-pishum 2023

ESHI-UANAUIPANIT TIPATSHIMUN ANITE MAMUITUN PETAPAN

Mamuitun Petapan mak Innu Utshimauat, Essipit, Mashteuiatsh mak Nutashkuan, mishtatussepanit takuakut. Mitshet aitatussepanit mak natshishkatupanit tshetshi shaputuepanitahk nenu atusseunnu Tshishe-utshimauat Utapuetatishunuau.

20 ushkau-pishimu 2022 katshishtauakan, Innu-utshimauat meshituenipanitapan umashinaikanuau, nukutakanipan anite tipatshimun le Devoir kaishinikaten, mitshet nenua ui takauapan. Kanatapiht anite Tshishe-utshimataht Uepishtukuau assi, uitamupan tshetshi tshishtapanit utatusseunnuau ka ishi-mashinataikanit anite Tshishe-utshimauat Utapuetatishunuau mak nenua tshe tipinitamuniti anitshenat tshe takutapiniti minuat Uepishtukuau Tshishe-utshimatat. Ne Tshishe-utshimau Utapuetatishunuau tshe ussi-takuak eukuan tshe ishinakuak ushkat anite tshetshet mamit Canada, mashten nene takuanipanit 1975 mak 1978 kamashinatauishunan mak anitshenat Crie, Inuit mak Naskapie.

Ishpish ne katshishtauakan, eshikua kuetshimakaniitau Innu-utshimauat, uitamuat nish tshekuannua ianiminukuht Uepishtukuau Tshishe-utshimaua :

- Tshetshi nishtuatakanit utipenitamun mamuk niashatumakanit nenu ua tshitapimitishuht
- Tshetshi nishtutatunanit atusseuna kamashinataikau, ne tshe ishi-takaitshemakaniti mak tshe ishi-minushkakuht.

27 ushkau-pishimu katshishtauakan, nete Uashat mak Mani-utenam, natshishkatunanipan Innu-utshimauat mak Uepishtukuau Tshishe-utshimau kapunipanit tshemanakanit, eshku eka mashinatauishunanit Uepishtukuat mak tepenitak mamuitunu Coalition Avenir Québec, François Legault. Katshi natshishkatuht Innu-utshimauat uanauiapanitapan aimunnu itashtenu menushkakuht mak uapimeuat ua pushipaniti anite Tshishe-utshimau utapuetatishunuau aianishkat.

1 takuatshi-pishimu katshishtauakan, Innu-utshimauat anite Mamuitun Petapan natshishkuepan Utua-tshishe-utshimau kupanish tshiakueimatahk nenua innua utaimunu, Utshimau Marc Miller, utinamupan aimunu tshetshi tshishtapanitakan atusseun Tshishe-utshimauat Utapuetatishunuau umue tshishtauakaniti 31 uinashku-pishimu 2023.

Kassinu kanatapiht ashpi-mitshishuakan mamuk ishi-uapatamuat kie shutshenitamuaht tshetshi tshishtapanitaht atusseunnu Tshishe-utshimau utapuetatishunuau umue shikuaniti.

Tshi ueshapaniti 31 uinashku-pishimu 2023, Innu-utshimauat tshika natapishtueuat utinimuaau tshetshi minushkakunukueni nenu eshi-mashinatenit anite ussi-mashinaikan Tshishe-utshimauat utapuetatishunuau e uauitakan tshenishtuatakanit utipenitamunua.

Shash Petapan

Mashinaikan nishk kaishtatet - tshishe-pishum 2023

TSHIKA AITINAN MINUAT

Eshku eka 31 uinashku-pishimu, neshtiki mamuituna tshika shaputuepanuat netshishkatuht tshetshi tshishtakan meshinataikanit atusseun Tshishe-utshimauat Utapuatatishunuau.

Neme pishimauat ueshapaniti 31 uinashku-pishimu, muk etanan nete kanatapishtatitanut, innuat tshika uauitamuanuat atusseunnu Tshishe-utshimauat Utapuatatishunuau tshetshi nishtutakau tan tshipa ishinakuannu utipenitamunuau tshimashinatautishunaniti mak anutshi eshi-tipenitahk. Tshika nishtuatamuat menushkakuht mak tshe ishi-katshitinahk innuat uinishutau Tshishe-utshimau Utapuetatishunuau mak tshe ishi- tshishpeuatikut utipenitamunuau

Innu-utshimauat tshika kuetshimishuat tshetshi shaputuepanitakau atusseunnu kie ma tshika nakaimuaht nenu atusseunnu Tshishe-utshimau utapuetatishunuau kie mitshen tshekuan tshe ishi-utinakan tshika tshi natashtakannu.

Itentakauht katakuaitsheht tshetshi shaputuepanit nenu atusseunnu Tshishe-utshimau Utapuetatishunuau tshika kukuetshimeuat innua mak uinuau nenu innuat utaimunuau eshutinak eukuannu tshe atusseuatsheht katakuaitsheshit. Innu-utshimau, pitau-utshimau kie ma kanatapishtatshet apu tshika tshi pushepaniaht utinimuaua eshku eka tapuetatishuniti.

Kaiatusseshiht anite mamuitun Petapan shaputuepanuat etusset tshetshi minu-minat innua atusseunnu Tshishe-utshimau Utapuetatishunuau miam eshi-uapatamahk mak eshpitenitakan eshi-minushkakuiahk inniun mak innu aitun

Tshiuishamakaunau tshetshi shatshuapatameku nete atusseu-katshitapatakan Facebook Regroupement Petapan, kie ma www.petapan.ca mak ui uinishieku anite info@petapan.ca tshetshi utshitaukieku tipatshimu-mashinaikan niatapishtatitan Tshishe-utshimauat utapuetashinnuau mak tshika aitinan minuau.

Kutaka kaitatussenan 2022

- Kauanauipanitakan facebook mamuitun Petapan, tipatshimunissa mak ka uetashtakan tipatimun anite atusseu-katitapatakan
- Uitamu Utaua Tshishe-utshimau eshku tshe shaputuepanit paiaikutau anite natakunu
- Katshishtakaniti kamashinaitshenan utat, mak mue mashten pishimau takuanipan tshetshi tshishtakaniti atusseunna :
 - ✓ Tshe ishi-uitatussemitunan mak ua tshitshipanitakan ne atusseun
 - ✓ Etanan atusseun Tshishe-utshimau utapuetatishunuau
 - ✓ Tipaikana

**TSHIMA MINUPUNIEK
USSI-PIPUN 2023!**